

新泰縣志卷十六

人物第二十九中

循良

南北朝

羊烈仕北齊爲陽平太守蝗不入境詔書褒美之

唐

莊博梁泉令有政聲

元

儲企范字天章進子幼敦龐不凡值亂離高唐郡將

劉海拾爲養子父子不相聞者三十年弱冠海卒因

新泰縣志

卷十六

人物中

襲千夫長歷曹州同知權州尹宰相薦其材補從仕

郎中書省部事訪知父母處迎養焉由本資遷承務

郎同知泰安州事再遷知沂州有文學多惠政修舉

學校士民懷服尋授奉議大夫充山東路都轉運使

副使遷朝列大夫同知兩浙都轉運使事

明

趙秉以舉人官福建福清縣知縣通經術曉吏治勸

農桑均賦役興學化俗民大和惠

牛漢字彥博父希周早卒遵仲兄蒞教訓孝事孀母

名聞其著至出貢願居蒞後回請諸督學讓之任

陽通判遷常德縣長垣令釋寃民於獄考績稱最事
載張相漢所撰表內旋里以琴書自娛待兄子化
麟如已出祀鄉賢

徐光前字匪莪號養充以進士官直隸密雲縣知縣
才高學富民情軍務剖決如流祀鄉賢

王心字惟一號南埠以國學授雒陽主簿天性仁孝
事孀母撫瞽弟人無間言居官清介善斷疑獄深得
士民心歸田日扳轅臥轍弗能前祀鄉賢

張志道字汝南號心一萬歷己酉歲貢初任陝西咸
陽縣丞攝縣篆二次又署長武一年院道聞其賢交

新泰縣志

卷十六

人物中

二

章論薦陞四川重慶府黔江知縣三年告歸終養百
姓攀轅卧轍士大夫詩歌送之有甘棠遺愛冊藏於
家

國朝康熙五年崇祀鄉賢

孝子

明

王世文邑貢生文學淵博五歲喪父恪遵母訓善承
先志按院鍾公旌獎祀孝義

李調元邑貢生母疾衣不解帶者數月夜則籲天願
以身代及卒哀毀骨立三年葷酒不入扣父念其誠

不再娶父病侍疾亦如之
茹蔬獨處終喪未嘗見齒按院旌其閭祀孝義

崔克己尚書康簡公孫生母早喪事嫡母至孝周急
濟難克光祖德鄉評重之祀孝義

王節父歿哀毀盡禮廬墓三年積土成邱院道旌表
祀孝義

曹應第家本寒素奉父母必豐必潔父病思食王瓜
暮春瓜未生第號泣徒行三百里厚價覓之父食汗
出遂愈又患眼疾每食必親操匙箸便溺自爲扶掖
父亡茹淡喫素三年無改母疾朝夕侍側躬進湯藥
夜禱天求代大雪沒踵不覺崇禎間詔旌其門祀孝
義

曹應登第之弟天性至孝父患瘡口吮卽愈又患股
疼登時時撫摩以安父沒哀毀茹淡訓幼弟贍貧妹
凡可順母志者無所不至與兄應第同建坊旌表祀
孝義

國朝

趙日永邑廩生幼年失怙送終哀戚盡禮事祖母敬
順無違院道表之祀孝義

李隆英性純孝父蒿官廣文歲必往省雖隆冬

者未嘗有間母潘氏奉之如嚴父視諸弟怡怡如也
雍正八年臬憲喻公訪紳士孝友爲民表率者邑令
吳首舉肇隆臬憲旌曰孝友端方

高陽生員高洪功子家貧採樵易米供親父病股不

能乘騎赴省考試皆二子背負嘗往長子縣比歸背

成瘡毫無難色邑令史慶義旌曰慈孝家風

牛峽字連山號省菴蒿孫遇隆子早孤事母以孝聞

母亡哀毀骨立復以墜家聲爲慮晝持家夜讀書早

噪士林雍正癸卯選拔弟恒幼善訓育之得以增廣

生入太學終身合爨無間言雍正十年縣令吳屬以

新泰縣志

卷十六

人物中

四

增修縣志會吳改調去事未竣十二年縣令魏奉檄

置義田普濟貧民耕穫出納峽悉督其事歿後子基

昌猶審聞見續邑志畧二十年藏於家

趙成美幼孤貧爲人傭工跣足裸體而母之衣食無

缺母替不能自爨每晨起作食食母然後爲主人力

作數十年無怠母死典身買棺以葬

李得芳字維馨貢生有至性母死奉父甘肥而自食

粗糲曰吾母安在有雞豚而不得享吾何能下咽父

病衣不解帶者凡匝月年六十八父在堂而已病覺

澆河不勝嗚咽曰吾父身在桑 奈何吾父未死而

身先死乎竟不起目終不瞑長子希博亦能事其祖
九十餘歲卒

繼元復字德貞號朴菴雍正丙午舉人初選江西大
庾知縣改調莒州學正天性純孝父病數年親奉湯
藥不倦丁未值禮闈迨父命就試竣卽購參餌馳歸
是科登明通榜以回籍失之毫不介意比父歿哀毀
骨立啜粥飲水不入私寢者三年好讀書精研經史
蒼萃羣說定四書正解學人多宗之

曹瓚孝子應登曾孫父母早歿事祖父母朝夕視膳
維謹卮年近七旬食必以時瓚不敢違問所欲而預

新泰縣志

卷十六

人物中

五

爲之具祖病親侍湯藥未嘗廢離扶持滌洗始終無
倦

曹章家貧母患瘡爛去其手每食章親操匙箸便溺
不避穢汚人以爲難

義行

宋

劉原讀書好義才力過人宋元兵亂據地保障一方
賴之祀忠義

王顯忠郭亨戴昕三人以縣入萊蕪道里遠并艱於
納至元三十一年力請具奏復置縣民多稱便

忠義

明

徐鐸字文升有孝行好施與正統間輸粟一千二百石助賑濟正統間奉勅表之賜孝思卷并墨勅藏於家壽至九十六生子十二人祀忠義

杜鎮天順四年輸粟四百石奉勅旌之祀忠義

王勝成化間以夫役繁多請減祀忠義

祝堂與王勝相琦祀忠義

馬伯通以縣治疲敝力請具奏歸併里甲裁減縣學佐貳民多稱便祀忠義

新泰縣志

卷十六

人物中

六

張遇留字封留廩生少習兵法慷慨有大節因世亂倡義立十三營捐資養士領附近子弟五百人號知方軍義勇甲於諸營土寇史東明李青山等比歲犯城留所至無不摧敗城池村堡悉倚保障崇禎癸未城中有難與弟志顏率衆赴敵衆寡不支全軍覆沒祀忠義

張志顏遇留弟有膽畧善騎射與兄領五百卒所至無敵癸未援城同兄酣戰死祀忠義

董理字燮卿邑廩生慷慨負氣節土寇攻城理率衆固守矢貫睛而死時崇禎十六年三月十六日暮

云舍生取義殺身成仁赤衆禦侮國家于城魄歸黃壤貫世英名

國朝

張瑄善騎射有膽勇領新兵團練十三營勦捕城守著有殊勞祀忠義

趙良輔字任吾增生明季土寇攻城輔及子廩生志范等率衆守城晝夜宣勞卒保無虞順治六年土寇李梗等陷城官民多遁去輔獨不屈罵賊而死祀忠義

趙際明然諾無欺取與不苟急公效順教子尤有義

新泰縣志

卷十六

人物中

七

方祀忠義

牛文字斐吾明崇禎中爲按院書吏甲申

國朝已定鼎燕京李賊所置僞新泰令猶爲賊守城甚力時大兵駐濟南議不下者皆屠之文自歷城日夜馳三百餘里至新泰射書城中城中人乃共逐僞令以城降後崇祀忠義

張立行性慈仁好善樂施嘗於敖山領囊植柘數百株縣令獎之

韓墀鄉長康熙初土寇九山擾衆墀率領鄉兵勦之陳恕膽勇過人康熙六十年鹽徒爲亂墀掠村市合

邑譚然恕為同鄉民博羅豹等截殺於毛家嶺
多所斬獲

房廷錫生清... 家為外所給詢知其有夫即
遣還不索

劉宗炎嫻騎... 康熙六十一年鹽徒作亂知

縣王舉為團練... 督鄉兵三百餘人晝夜

巡邏不避艱險... 邑令獎之

劉昆居龍亭莊西有真高堂生墓復有二十餘家昆
朝夕培土皆隆起又鄉舉人紀元復生員陳有倫劉
儒範等建修高堂生祠堂

新泰縣志

卷十六

人物中

八

陳階字丹路太學生性爽慨好義舉新邑城垣損壞
雉堞傾圮乾隆二十六年階倡議修築邑侯胡公善
其議委令監修木石工作經營周至不避風雨八閱
月告成費毫無染指至今城垣鞏固階與有力焉
趙樂里人也家貧居鄰僻路長起拾黃包袱內書數
函銀百兩有音知行即... 長久不至茲告知
約地懸帖道旁尋有江... 二行... 倉皇詰之具述
其狀赴縣稟官驗訊書信... 銀數俱符樂欣然
璧還知縣胡敘寧賞錢布給拾金不昧匾額旌之

文行

漢

高堂生漢興爲博士以禮書十七篇授瑕邱蕭奮奮授后蒼蒼授梁人戴德戴聖後世言禮者咸宗之龍亭莊有墓祀東廡

國朝

張相漢恩選任滎河知縣淹通經史及諸子百家學識兼優所著詩有燕淮秦晉四遊草塞上吟悲秋吟續貂集不擇音廢驢吟文有穀吟集應詔條議行於世再魁吟新邑志畧藏於家事詳隱逸篇

牛蒿字孔嘉號松巖文之子善治經術明禮義樂施與族中賴以舉火者數十家遇貧士尤敬恤之遠近知名新邑歲科試舊取八人蒿力請廣額而自捐其費邑人至今德之康熙戊午以貢生任昌邑夏津教諭陞安東教授守正不阿士林振起上憲舉卓異力辭致仕歸庭訓甚嚴教五子俱成名以子德隆任招遠教諭贈修職郎

牛士範字正儒號椿園性孝友好讀書淹貫經史食餼後肄業灤源書院科歲試冠軍十次乾隆庚午擬元不售癸酉成選拔以教授爲業泰肥蒙沂間生徒幾百餘人多知名士甲午郡伯朱孝純延修泰山志

丙申邑令胡敘寧聘爲青雲書院山長家居尙禮教務實學言動必遵古訓弟姪輩咸師事焉終日危坐手不釋卷精選八家文及諸名家制藝俱詳加注解已成帙未授梓而歿士論惜之

隱逸

元

孫甫字孝元旣登第知元將亂引高不仕講學新甫之陽從者甚衆

明

尹邦奇性好古善鑿玉書法真草隸篆無不精絕所

新泰縣志

卷十六

人物中

十

居構一小亭與一二逸士嘯傲其間簞瓢屢空晏如也祀忠義

張浚英號汶東由太學生任介休縣丞慈祥清介士民呼爲張佛歸田後卽入放山不出邑侯鮮識其面守道蔡巡方至此聞其風訪之祀忠義

劉道一缺傳祀忠義

劉實號太極博極羣書不務時名作詩文以自娛人擬之陳太邱焉

徐之儀字桂山拔貢生生而玉立眉目如畫幼時父光前授以毛詩卽領畧大旨及長見天下將亂不樂

仕進與張相漢爲友曰吾與若皆陳人蓋退藏乎因
構一小亭匾曰此君殉署一聯云與世難同調生涯
獨此君

國朝

張相漢字韓忠號忍侯原任山西榮河縣知縣闖賊
造逆河東失守罷黜不及歸里杜門不出無嗣稱逸
民爲狀述生平甚悉其世系載先人誌表中相漢父
名思聰有奇抱青衿未仕母劉氏生漢兩期而歿育
於繼母陳二歲亦歿祖母馬撫之十齡漢父歿依季
父學講讀受毛詩於姑夫李明經萬歷戊申冠博士

新泰縣志

卷十六

人物中

十一

弟子員壬子食餼未幾丁祖母艱辛酉恩選成均經
史子集無不淹貫兼有識量崇禎丁丑謁銓選除貳
泗州泗爲有明祖陵重地按君駐節復當流寇蹂躪
之餘漢殫力拮据未嘗隕越己卯秋視篆天長所屬
有京屯地江南刁弁多越訴留都魚肉小民漢申詳
撫按竝南總憲槩不奉行凡指勾軍征屯缺漕補倉
諸奸狀俱不得逞時當編審豪右隱占下令許自首
且設法清查悉得其情一吏進暮夜金杖遣之內外
肅然後入覲未殫厥施事竣復任攝郡符四月兩奉
旨回奏欽件一要津擬築馬廐護陵寢工用浩繁且

有關龍脉下撫按議遞委府道皆莫敢執其咎漢獨力陳不可未幾官家遣欽使查勘三陵之妄與作者人方服其先見一新貴叩閣條陳實借端中傷前守諸上臺模稜兩袒漢與前守無半面交獨持公論二事俱荷兪綸時虹巨寇壓境奉檄往攝單騎之任與小袁營十萬衆隔一舍相拒月餘晝夜指揮方畧防禦無不周到寇退巡方者敘功首薦以俸深不及待量移晉藩叅軍辛巳十一月到任冷局無所見長廉靜持大體而已次春署高平兩月完逋賦二萬創立賞格鼓舞未嘗蔽扑一人邑素冒羶名各上司猾胥

絡繹擾詐里甲歲四五千計漢繫一司差官鞫一府快立報撫按兩臺嘉其風力著爲令甲遍行通省而強項之名噪起三晉督撫蔡雲怡按君陳淡園屢向司道獎嘉歷俸九月陳破格特薦會雁門守缺邊防重任蔡面諭固辭不允會銅川羣盜蠡起蔡率衆親勦漢贊幃幘馘其渠魁一吏侵欺召買銀二千兩呈送羨餘三百漢申道正法立責補償貯庫餘銀二百緡解充兵餉召買軍儲節省二百金亦歸餉同當事者俱服其介所作疏奏紀錄輒焚其稿蔡嘗語人曰才守兼全平生所見僅此人欲提陞監紀辭之代士

民借寇卽真亦辭之蔡乃單疏榮河令榮甚凋瘵
邇河防闖逆眈眈窺伺宵旦馳驅事事棘手鹽臺成
石生目擊心憐對諸寮屬咨嗟云以有用之才置陷
穽之地欲改調蔡不可日沿河一帶隘口榮爲尤甚
多事之秋正需勁力撐持事定超擢償其勞可也癸
未十二月流寇自荷澤之龍門暗渡相距兩舍蚩蚩
之氓旣惑蠲賦謠言又怵屠城虐焰目側耳語多欲
隨降官不從則生他變已在在見告漢與士民訣於
城隍廟中令百姓携家入山獨與蘇廣文郭鴻臚坐
城頭俟死賊衆入執送關中渠魁已僭僞號授楚令
新泰縣志

卷十六

人物中

十三

給伴送者間道走少華山乙酉三月東兵入秦始東
裝作歸計潼關道史雲岫亟欲引還婉辭得脫旣抵
里屢徵不起自比於衲子黃冠云隱君生於有明萬
歷十八年十月初五日卒於

國朝順治十七年正月初八日享年七十一歲

流寓

漢

蔡邕字伯喈陳留圉人因上封事爲劉劭楊球等所
排下洛陽獄當棄市中常侍呂強愍其無罪請之
嘉其才高會明年赦乃宥還本郡將就道五原

王智饒之酒酣智起舞屬邑邑也不爲報智中常侍王甫弟也密告邕怨望謫訕朝廷邕慮卒不免乃亡命依於泰山羊氏女貞姬適上黨太守羊衢見沂州志宋

孫復字明復晉州平陽人舉進士不第退居泰山學春秋著尊王發微十二篇石介有名山東自介而下皆執弟子禮稱爲泰山先生孔道輔聞其賢就見之介執杖履立侍左右往謝亦然魯人益知師生禮介旣爲學官語人曰孫先生非隱者也於是范仲淹富弼皆言復有經術宜在朝廷除秘書省校書國子監直講詔爲邇英閣說書終於殿中丞縣治西南十八里有莊名孫村故老相傳復讀書泰山卽家於此泰安府東三里有墓

金

儲存進之祖也劉齊昌阜閒遊新泰之孫村遂家焉明

劉復初泰安人元季三舉鄉薦避亂不仕明洪武兵至山東藩司諮訪人才辟公委署新泰太祖卽位以臺司彙薦實授新令任滿民弗忍舍因籍於此

李伯貞徐州沛縣人洪武中辛丑亂羊村有司薦舉任

本縣教諭因籍於此

國朝

杜銓字易文浙江紹興人任新泰縣典史多惠政有
杜母之稱兼通岐黃民皆德之卒於官因籍於此

方技

周

師曠字子野為晉樂師楚伐鄭師曠聞之曰吾驟歌
北風又歌南風南風不競多死聲楚必無功既而楚
師凍餒幾盡衛靈公如晉次於濮水之上聞琴聲甚
哀使師涓以琴寫之謂之新聲至晉為平公鼓之師

新泰縣志

卷十六

人物中

十五

曠止之曰此亡國之音也昔師延為紂作靡靡之樂
後自沈於濮水聞此聲者必於濮水之上乎平公悅
之曠嘆曰公室其將衰乎為平公少傅作禽經行於
世祀鄉賢

南北朝

羊晰精專醫道以藥濟人見輟耕錄

明

安鳳精內外科掌惠民局賴以全活者甚衆

李朝遠其先揚州人寄籍於此精岐黃術求濟者不
計財利貧富感之

馬一陽庠生精內外科以醫道濟世一邑咸沾其惠
李廷厚字樵雲禮部冠帶儒士少學鍾王書尤工大
字萬歷間客燕邸蕭大司馬太亨雅重之以其書呈
御覽上大悅賜詩有云家無樵雲字不算富豪家之
句時諸殿匾額皆出其手

方外

漢

浮邱翁李姓浮邱保人居嵩山得道所在有煉丹爐
嘗作原道歌相鶴經漢申公師之

南北朝

新泰縣志

卷十六

人物中

十六

羊權字道輿枕少子居茅山得道有九嶷山仙女
郁顏色絕世於穆帝升平三年十一月十日降權其
室贈權浣布巾一枚金玉條脫各一枚
楊愔以明經授括蒼尉遂隱於括蒼山夢遇雲英得
仙後入委羽山莫知所終

唐

蔡少霞陳留人性情恬和幼而奉道早歲明經得第
遷蘄州叅軍秩滿再授兗州泗水丞遂築室龜蒙一
日夢仙人召去書蒼龍谿新宮銘

宋

賀元修道東蒙不死宋真宗東封謁於道左曰晉水
部員外郎賀元再拜而去蘇軾寄詩云生長兵間早
脫身晚爲元祐太平人不驚渤海桑田變來看龜
漏泄春又曾謁東風玉露塵幅巾短褐亦逡巡行
夜奏空名姓長望雲霞縹緲人

賈文號成功幼而好道政和間遇呂純陽與之遊遂
能作詞章洞知禍福上召見賜以紫衣而歸年七十
四一日雲鶴集庭仙化去有祠在蒙山玉虛觀

普和姓李氏自童穉爲僧頗異於衆及長有戒行
有毒蛇絕路行者病之和挺身而前以手指之口念

新泰縣志

卷十六

人物中

十七

之
噉字者三蛇卽死年九十餘跌坐而化鄉人立堂祀

元

劉至疑學王重陽道於范崑崙崑崙上清觀詳見本觀
碑

明

劉道源任太霄延壽宮提典清修得道所至濟人

興恭富山大明寺僧苦行遊方遇異人傳道得釋迦
三昧火